

## 02 膨鼠著生驚

柯淑慧

我是蹠佇都市校園裡的膨鼠，我身軀頂的毛是草橄欖色的，腹肚的毛是豬肝色的，上趣味的是我的尾溜長長仔閣膨獅獅，親像一支牛奶研鑢仔。我會用前跂共食物提咧，兩齒大大齒的屎栝齒嚙咧嚙咧，這款古錐閣伶俐的模樣，真正是人看人恰意。

其實罕得有人知影我蹠佇校園裡，因為我的岫作佇一樞上懸、上粗勇的樹仔頂，樹仔發甲真茂，所以無人會注意著。我三不五時會倚跂上倚教室的樹樞看學生因仔上課，有當時仔我嘛綴咧聽甲耳仔覆覆覆。有時陣我會趁教室無人的時出來行跂花，若拄著主任來巡課就愛趕緊走去覘，若無，予攞著就害矣。

彼工學生因仔去上體育課，規間教室無看見人影，我就對樹仔頂跳落來，想欲入去教室揣看有啥物通食無。無偌久遠遠就看著一个穿甲嬌嬌閣踏懸屐仔的主任行對我遮來，我心內想講：「阿娘喂，緊旋！」我趕緊從對樓梯間去，想欲跂起去厝尾頂，啥人知影厝尾頂的門煞關牢咧，我只好覘佇樓梯頭眊看主任走矣未？想袂到主任的目矙有夠利，伊影著我閣大聲喝：「是膨鼠呢！」

主任跂跂手勻勻仔一坎一坎跂起來厝尾頂，伊進一

步，我就退一步，退到無路，就按呢定佇壁角毋敢振動，主任就提手機仔共我翕幾若張相片。主任愈行愈倚，我就愈掣，這聲進無步、退無路閣驚予伊掠去，只好跂步撫好勢，按算隨時欲衝出去。

我恰主任兩個人四蕊目矙金金相，我跂步一下徙，主任煞青磅白磅大聲吱，我嘛去予伊驚甲強欲滲尿，就佇樓梯間烏白從，先拚著一大片玻璃門，越頭想欲走對另外一爿，「pǒng」一聲，閣拚對另外一片玻璃門去。就按呢我佇兩爿的玻璃門中央從來從去，拚甲烏暗眩。落尾主任驚甲面仔青恂恂，我就趁伊猶閣愣愣的時趕緊闖港。

一、兩、三、四，驚著無代誌！我三步做兩步從轉去岫裡覘，心肝頭猶咧必嘆惱，真正是好佳哉！想想咧，雖然今仔日去予主任驚一下半小死，毋過蹠佇校園享受這款冒險，嘛是真趣味的生活。